


四庫文學總集選刊



〔清〕顧嗣立編

元詩選



三

欽定四庫全書

集部
元詩選二集卷一

詳校官中書臣王鵬
主事銜臣徐以坤覆勘

總校官編修臣王燕緒
校對官檢討臣溫常綬
騰錄監生臣萬培成

欽定四庫全書

元詩選二集卷一

庶吉士顧嗣立編

遜菴先生段克己

克己字復之河東人世居絳之稷山幼時與弟
成己並以才名禮部尚書趙秉文識之目之曰
二妙大書雙飛二字名其里金末以進士貢北
渡後與成己辟地龍門山中餘廿年而卒人稱
為遜菴先生泰定間孫吏部侍郎輔合克己成
己遺文為二妙集刻之家塾臨川吳澄為之序
曰河東二段先生心廣而識超氣盛而才雄其
詩如冤血流未盡白骨如山丘四海疲攻戰何
當洗甲兵蓋陶之達杜之憂兼而有之者也
歲己酉春正月十有一日吾友張君漢臣下世家
貧不能葬鄉鄰辦喪事諸君皆有弔章且邀余同
賦每一忖思輒神情錯亂秉筆復罷今忽四句矣
欲絕不言無以寫其哀因作古意四篇雖比興之

欽定四庫全書

元詩選二集
卷一

不足觀者足知余志之所在則進知吾漢臣也無
疑

高樓浮雲薄知是何人宅賣諸輕薄兒身為五侯客日
莫闌難回車騎何翁嫌鼻息吹虹霓行路皆踉蹌豈知
黔婁生儲粟無儋石衣食不掩尸送我城東陌寥寥百
世下誰分夷與跖

北方有黃鵠飽義氣勇烈天寒辭故巢思欲近丹穴吁
嗟翅翎短雲海路隔絕鳳皇不相待孤憤無由洩恥與

欽定四庫全書

元詩二集

二

鷗鷺羣朝夕肆餐餐一步兩叫號心摧口流血側頭向
蒼昊永與羈雌決人皆尚鷗鷺反謂黃鵠方世無棄鵲
翁軒輊定誰說後鶴與沙蟲泯泯同一轍悲來結中腸
欲辯再三咽

藝蘭當清秋生育胡不早西風發微香能得幾時好飛
霜半夜來滅沒先百草真宰獨何心吞聲不復道
驅車上太行中道車軸折停車伏轅下骨斷筋力折撫
膺呼蒼天淫淫涕如雪古往與今來此恨何時絕

贈荅封仲堅

欽定四庫全書

元詩二集

三

念昔始讀書志本期王佐時哉不我與觸事多輒輟歸
來濯塵纓羸裝聊解鞍斤斤多奇峰流水出其左誓求
十畝田於此養慵惰種椒薑百區栽竹僅萬个自謂得
所依心口默相賀經營久未成蘊積乏奇貨低回不能
去借宅便高卧始構茅三間椽桷久摧挫暑雨畏霖潦
霜風苦掀掀豈無富貴人秉帛救寒餓恥隨肥馬塵擁
鼻不敢唾淹延歲月深十手指庸悞塵糝劒鋒缺彈鈇
悲無奈時當春之仲桂魄月半破丁丁聞啄門有客來
相過探懷出新作高唱成寡和清辭麗卿雲齊梁那復
課蹇余鞭不前踟躕蟻旋磨枯腸黎莧苦奇字厭搜邏
君乎真可人沽酒酌通播酒酣膽氣麤狂言驚四座舊
遊渺何許行路方坎坷作詩寄同聲別離傷老大

興上人駐錫姑射山之麓他日邀余所居之靜樂
齋勉為賦此

我愛興上人閒處先著脚雖有買山錢難尋一丘壑向

來棲息地龍象久寂寞重尋林下徑竹石若紛薄溪水
恣交流巖花自開落却埽大室中一餅還一盞靜樂題
其顏塵緣聊解縛寥寥千載下此理誰發藥我今為拈
出未一作不免一重錯有靜必有垢無苦亦無樂混沌元
不死七竅剛自鑿鄭一作珍重卷中人萬法本無著獨有
太古心油然滿寥廓

贈劉澗之

平生不願萬戶侯但願一識劉荆州荆州已遠不可見

欽定四庫全書

元詩選二集

四

喬孫今幸從吾遊慨然議論吐肝膽腰間古劍鳴蛟蚪
酒酣醉墨出險怪筆勢慷慨令人愁世人爭欲得一諾
黃金不用如山丘結交以義不以利樂人之樂憂其憂
自從管鮑死此道今悠悠豈憶流落中忽見古人倚古
來賢哲仕不達飢寒不解為身謀紛紛眼底知音少幾
向西風歎白頭

乙巳清明遊青陽峽

東山氣象太猛悍萬馬駉駉來楚甸中分不肯割鴻溝

鍛礪戈予期一戰西山折北如西漢獨餘絳灌奔而殿
誰為劉項決雌雄賴有韓彭力相援盧溝直下雨水合
泯泯暗流通一線突為瀑布出山口流沫成輪浪成湍
前逾百步落石甕黛黛膏淖那敢晒沈沈南去若白虹
為嶼為沚互隱見盤開渾沌幾千秋世俗雖見如不見
令人雖有筆如椽為寫佳名傳寓縣人間佳節重清明
呼兒折簡招諸彦一生能著幾兩屐佳處每欲經行過
山靈著意勸遊人吞吐煙霞生萬變山阿玉女跪焚香

欽定四庫全書

元詩選二集

五

巖畔仙人一笑倩居一作生者儼若帝王尊劍佩雍容侍

閒宴植者磊落如鉅人聚立廣庭議一作如封禪拱者矯

矯如勇夫執戈夾一作記花一作著蔡升平灘淺灘乍可揭溪

路曲隨峰勢轉葛屨偏宜苔蘚滑行襟時被薔薇罥當

面煙嵐舞翠蛟出岫閒雲飄素練羣行不復事拘檢眼

正明時脚還倦班荆共坐溪上石粗糲濁醪具時饌良

辰無奈夕陽催羽觴正要清歌薦醒心況復有寒泉玉

池迤邐成三燕三分春色二分休風外飛花時一片古

人行樂欲及時半百之年猶掣電惟有愛山緣未斷
寐辱顏添健美一窮到骨不自治虛負胸中書萬卷漫
向山却老却人生來不識荊州面肝膽槎牙須酒澆顧
我非狂亦非狷紛紛世無真是非一作世上無真是棄置從渠
若秋扇歸來新月偃林梢寂寞衡門掩深院

戊申四月遊禹門有感

黃河一線天上來兩山突兀屏風開天生聖人為萬世
驚濤拍岸鳴春雷冷雲直上三千尺石巖古廟高崔巍
欽定四庫全書
斷碑歲月不可考丹青剝落空莓苔嗟乎去古蓋已遠
荒辭汗漫相驚猜安居平土果誰力愚民耳目誠可哀
一聲漁笛起何處滄洲雅興還悠哉

正月十六日夜雪

正月望夜夜氣交長空月輝生白毫東風澹蕩振林木
春雲瀚鬱翻驚濤空中已覺沒河漢坐中不見羣山高
打窗雪片大如手蒼髯噪痒磔蝟毛我意天心厭誅戮
淨洗戰血除腥臊方今廊廟已備具左有夔龍右有咎

愛民親賢急先務朱輪早蓋馳英豪遺簪幸脫瘡痍阮
謳吟聖世心堅牢驅牛負耒復門戶至今不復遠遁逃
白頭老儒最無用天才魯鈍非時髦日月消磨兩蓬鬢
天地飄零一緼袍詩書自足教穉子藜藿猶能飲老饕
清晨喜看蔬圓潤而可暫息抱甕勞蘭牙含甲未出土
蕭艾覆瓿已可薊閭中事業澹無味佳趣繞如食蟹螯
興來歌詠適性情背癢似得麻姑搔芹山岡萃寒玉瘦
芹水澄澈春蒲桃直緣山水久留戀日鄉溪頭醉濁醪

欽定四庫全書

元詩選二集

七

青雲富貴豈不願端木輪囷寧自韜結構大廈要梁棟
操劃清廟須鸞刀功名倘可致契稷跳梁里巷誇兒曹
君不見昔在周王師呂望快若逢尹嚳烏號大人虎變
固莫測運命由來有所遭蓬萊方丈在何處我將入海
恣遊遨天風飄飄鯨背穩下視塵世空嘈嘈

微雨後偶成二首

孤憤憑誰訴長歌聊自怡整衣情瘦減扶杖覺衰遲小
飲非愁敵輕寒與睡宜今朝春雨好穉子莫啼飢

寂寂春歸後悠悠夢覺時病添花懊惱愁耐酒禁持
貯無多粟囊封有許詩倚牀成獨笑此意幾人知

余僑居龍門山十有餘年封張二子日從余游而

貧又甚焉因寫所懷兼簡二子共成一笑

病久慵增劇塗窮事轉迂未兼形共槁雖與地俱無醉
語勞揮塵悲歌漫叩壺鮮鮮離下菊笑汝益羈孤

仲堅見和復用韻以答二首

道在山林勝心閒歲月迂家風病更好習氣老難無日

欽定四庫全書

九
卷一

力分詩卷生資負酒壺儒冠三十載轉覺此身孤

一飽不易得身謀方信迂家徒四壁立囊空一錢無但

喜心如水那憂腹似壺我窮君更甚此德未全孤

枕上再處前韻

幾年成嬾散一榻了慵迂詩酒心猶在功名夢亦無雨

來催覓句鳥去勸提壺靜裏那須此應憫客意孤

野步仍用韻示封張二子

散策溪頭路溪回路更迂山隨行處好人似往年無波

靜魚千里天晴春一壺龍門何限景歲晚不相孤

五月二十三日夜分雨作涼風颯然木葉蕭瑟絕

以往年七八月感時物之變不能為懷漫成詩

聊以自適

雲壓虛檐黯不收雨聲飛妥碧山頭簾幃清徹三更夢
枕簟涼生五月秋入夜悲風何漸瀝先時病葉已飈颺
心非木石能無感喚起悠悠去國愁

寄仲堅漢臣二子

欽定四庫全書

九
卷一

經春日曰卧空廬門巷蕭條長者車一卷時看王湛易
數行嬾寄子公書風光少得如人意顏面從教與世殊
閒健不來花下醉明年花發定何如

和家人弟誠之杜燕之作二首

膠膠世事久經諳肯著紅塵換翠巖
騁捕鯨非所任
干將補履豈能堪老無成事惟多嬾少不如人何更貪
花下一杯誰伴我清風明月便為三

欲歸誰不道君歸却恨歸來事事違烽火未休家信少

山川足使人佈黃金入手還能散白雪一作發盈頭不
肯飛試問春愁幾許長江濛濛日暉暉

紅梅用誠之弟韻二首

梅花香裏滿蒲團萬事人間總不干醉夢每憐春意淺
詩魂長遠夜枝寒記曾上苑溪頭見又向前邨雪裏看
回首青鞋已如豆齒牙衰朽怯微酸

小梅初破月團團戲蝶游蜂未敢干醉臉不禁經宿雨
芳心似欲訴朝寒乍驚別後容華換更與尊前仔細看

欽定四庫全書

凡例卷二

十一

便好栽培近東閣免教風味一生酸

排悶

四海干戈戰血腥頭皮留在更須名病尋藥物為閒計
悶引文書作睡程萬事轉頭慵往眼一杯到手最關情
此身定向山間老我與山英有舊盟

暮春有感三首

忙攜歌酒趁清歡桃李都能幾日看欲識詩人愁絕處

落花時節一凭闌

春到蕪菁事已非杜鵑看又喚春歸幽香一點無尋處
燕蹴飛紅染客衣

及時行樂不應遲管領風光更有誰花落花開春又去
都能消得幾篇詩

梅花十詠四錄

憶

姑射仙人冰作膚昔年伴我向西湖別來幾度春風換
標格而今似舊無

欽定四庫全書

凡例卷二

十一

折

白玉堂深夜色寒玉兒和月倚蓬山高情不似章臺柳
也許餘人取次攀

鯨

手撚冰絃步月華暗看先已透垂爪壽陽畢竟無才思
但卧含章拂落花

浸

玉骨渾將山麝薰冰肌得水更精神凌波微步東風軟

羞殺當年洛浦人

花木十詠

錄四

荷葉露

伏下華清賜浴時
溫泉香膩洗凝脂
團花翠壁琉璃滑
狼籍珠璣醉不知

菊花霜

風簾斜揭玉鉤欄
端正樓高燭影殘
宿酒困人梳洗懶
從教殘粉浣金鈿

欽定四庫全書

凡清道二集

十二

芭蕉雨

梨園弟子去無蹤
門掩蓬萊繡帳空
寂寞綠窗深夜雨
傷心不獨有梧桐

山茶雪

娘子宮中儀體新
八姨羞把舊妝勻
畫羅瑞錦難相稱
故著龍香簇絳巾

丁未三月二十八日縣大夫薛君寶臣過余芹溪
精舍酒間雨作時方苦旱喜而賦之

麥田日日起黃埃
官長憂民意不開
底是山靈相嫵媚
故驅風雨過江來

明日李生湛然見和仍韻答之

東風吹雨絕纖埃
尊酒相逢盡日開
不是官閒公事少
此中能得幾回來

景純浩然見過徑飲成醉夜中雨作比近五鼓月

色滿室曉起書長語贈二子

退之方北歸見蝎即成喜東坡還泗上鐸聲欣入耳而

欽定四庫全書

凡清道二集

十二

況羈旅中解后遇知已
東風澹蕩百草芳
游絲飛絮白日長
一杯相祝對流水
白酒微帶芹溪香
漁歌樵唱競相屬
不覺半山無夕陽
醉卧山堂聽山雨
水雪對牀揮夜語
一燈照壁映悠悠
恰似孤舟泛清楚
夢回酒醒明月高
風雨向來無處所
人生哀樂本皆空
莫令身世如飛蓬

癸卯中秋之夕與諸君會飲山中感時懷舊情見
乎辭

少年著意仿中秋手卷珠簾上玉鈎明月欲上海波闊
瑞光萬丈東南浮樓高一望八千里翠色一點認瀛洲
桂華徘徊初泛瀛冷溢杯盤河漢流一時賓客盡豪逸
擁鼻不作商聲謳無何陵谷忽遷變殺氣黯慘纏九州
生民冤血流未盡白骨堆積如山丘比來幾見中秋月
悲風鬼哭聲啾啾遺黎縱復脫刀几憂思離散誰與鴟
回思少年事刺促生百憂良辰不可再尊酒空相對明
月恨更多故使浮雲礙照見古人多少愁懶與今人照
興廢今人古人俱可憐百年忽忽如流川三軍鞍馬閒
未得鏡中不覺摧朱顏我欲排雲叫閭闔再拜玉皇香
案前不求羽化為飛仙不願雙持將相權願天早賜太
平福年年人月長團圓

楸花

楸樹馨香見未曾牆西碧蓋聲孤稜會須雨洗塵埃盡

看吐高花一萬層

此詩見房琪河汾諸老詩集

菊軒先生段成已

成已字誠之克已仲弟登金正大進士第授宜陽主簿克已歿後自龍門山徙晉寧北郭閉門讀書元世祖降璽書即其家起為平陽儒學提舉不赴年過八十優游以終世稱菊軒先生祭酒周文懿評其文在班馬之間河汾遺老之卓然一門未有如段氏者也

吾兄同仲堅采鷺鷥藤於午芹之東溪因詠詩見示前代詩人未嘗聞賦此者此花長於田野離落

間人視之與草芥無異是詩一出好事者將知作貴矣感歎之餘敬次其韻有與我同志繼而述之不亦懿乎

微雨灑郊坰百卉欣並育幽花發溪側間錯金珠簇徐看是鷺藤香味濃可掬思飢出新句大笑負此腹遺落榛莽間采擷誰見蓄情知無俗安能悅衆目先生曰來往東溪路應熟一經題品餘名字耀巖谷遇合良有時不才異山木

呂氏用靜齋

兩岸夾嵯我一水中委蛇是間有高人靜與山林期結
茅並溪石故迹司空遺因山愛其山佳處應自知心閒
境隨勝眼靜山增奇寥寥文室中日用夫何為不書吐
吐事高詠休休詞無人書一編有興酒數厄便是一生
了安問著與龜依依中條雲夢想紫芝翁昨朝寄書至
謂我來何時急營買山錢已覺從君遲化年兩繩牀分
忍西山飢

欽定四庫全書

元詩卷二

十六

蒲城董公余素不識其何如人也一日袖橫軸所
謂龍窩圖者同仲堅見過而以詩見謁余雅不能
文詩尤非所長者加之老病日久縱不避拙惡亦
安能為他人推肝腎邪渠請益堅余重違封意且
念其勤姑因所見以敘之云爾

封生攜客來謁我蓬蒿裏軒軒亢塵俗不知誰氏子所
主我既賢伊人亦云喜探懷出新圖一語煩舉似寒余
不能文三請意未已溪山有素期入眼盡其美層雲蔽

重淵萬木夾兩溪飛流瀉絕壑千丈垂幅紙餘霏散如
霧點滴亂紛安何物竅其傍相傳龍所止廟貌寄空山
何代為經始年深祭血乾亂久誰復祀威靈昔所聞對
面隔千里誠通感必應雖遠猶在通巍巍密定尊安卧
久不起何當洗甲兵倒挽幽溪水

欽定四庫全書

元詩卷二

十七

也覽者將有取焉

負暄頽檐下病骨喜新霽微風動天宇木葉墮虛砌
縹緲平生事奔走媿非計投身田野間心迹得少憩時榮
豈不慕省躬自當逝薇蕨滿春山猶可以終歲
罷書掩關卧窗牖亂清樾風枝驚宿鳥札札畏顛越葉
聲走前庭誤聽雨未歇不知霜已重但覺寒切骨耿耿
不能寐起坐俟明發試問夜如何虛檐轉殘月

晨起坐高齋烏啼幽寂破小兒具文墨信手供日課既

無寵辱驚又不至寒餓自量亦云幸到此能幾箇更欲
希世榮所望毋乃過蒲團正溫厚得穩且安坐

連袂拙進宜艱難昧理生一事且不免況欲二者并思
窮分所安不為世所縈牀頭一卷書淨洗胸次平偶逢
會心人款款話中情餅餌喜不空今年賴西成

青山如有情向人呈偃蹇我本山中人一出偶忘返崎
嶇半天下始覺居山穩力極勢自迴苦不費推挽稅駕
良自茲千里豈云遠舉手謝山英應笑歸來晚

欽定四庫全書

元詩選二集

陳子正容安堂

陳子少英邁逸氣不可挫典刑肖乃翁出語輒驚座行
止非所能造物聽掀歎功名鷹在韝歲月蟻旋磨區區
一邑一作室中十載供史課結廬慕湖明志尚有許天濬

墨寫形似終日相對坐一室足我容百念付慵惰青山
隱檐檻流水出其一一作階左植花數十叢種竹千百个事

來若機張事去如飢一作飢隔浩然方寸間不受一塵流

豈無二仲賢閒暇日相過有酒相獻酬有詩互慶和溪

山入笑談珠玉霏咳唾徜徉天地間一物莫非我醉來
語更真卿去我將臥主人正高枕一作賦山鳥莫啼破

崧陽歸隱圖

落落出世人不視世猶嫌我獨惟愛山緣一念未渠已嘗
行崧陽道經觀略可紀有山皆孱顏有水盡清洌寒藤
絡古木奇花開芳枳風從四山下紅綠亂紛委雲日互
蔽虧百態呈怪詭微泉不知處叢蒼鳴宮微山鳥忽驚
飛花落空巖裏靜聞難犬聲人家應在邇百年能幾日

欽定四庫全書

元詩選二集

山間有餘暑孰知桃花源不出武陵水回首視人間
寬翼足塵滓便擬結緣茅恩恩迫行李一求汾沮如留滯
餘幾祀幽懷渺難忘澹墨寄形似舊遊一經眼未往差
可喜此心本無著夫豈為物使昔何從而來今何從而
止脩然來往間於是得之子幻影竟安用我亦聊爾耳
一笑兩忘言庭花委階砌

送尋正道歸浦中

江頭一作邊楊柳才堪折陌上行人還又別春光不解苦

留人兩岸楊花飛白雪江風搖搖吹綠波欲別未別傷如何勸君且住聽我歌後日重來白髮多

松溪幽隱圖

何宮遺構山之隅長松蔽映千萬林中有一徑穿紫紆冷風蕭瑟無時無人問赤日如烘爐恍疑仙景來蓬壺蹤跡一隨聲利區回首自覺泥塗污歲月因循歸計迂松溪想像勞形模可憐塵夢今始蘇空對溪山漸畫圖一日來歸聊自娛

欽定四庫全書

九
卷一

壽賈總官

紫髯茁頤膽滿軀胸懷落落真丈夫古稱山西出將種我公家世皆吾儒朝家未錄勛臣後時時射虎西山隅一官平水今幾年鄉閭坐覺成氓蘇驥塗千里會須展小邦未足勞馳驅繡衣錦帽不復見人言慙也終平吳此時此日生鴻雛鬱鬱佳氣充公間當筵擊筑聲嗚嗚滿堂賓客聯暮裾天公催花為壺枯要及花下傾金壺春風花間人不孤年年人與春風俱

送王子壽之平遙

卜築謀南邁回轅遽北之有情慚見厚無語只空悲易忍行時淚難堪別後思明年雁來日屈指數歸期

總管李侯移鎮京兆病久不能即門屏奉庖酒一賀為懷謹作拙惡以餞行軒

一札飛書下日邊龍移方伯殿長安晉城父老心皆泣秦地奸豪膽已寒千里馳驅容驥展九霄空闊看鵬搏十年潦倒登門客卧病無由挽去鞍

欽定四庫全書

九
卷一

送總管李侯北上

姓名合上郭公臺落著落襟懷問世才飛騎屢朝天上去好音時向日邊來中心都為明時盡東閣常因好客開萬里鵬程從此始垂天雲翼看徘徊

辛丑清明後三日詩社諸君燕集於封仲堅別墅談笑竟日賓主樂甚然以未得吾兄弟數語為不足既而遯菴兄有詩余獨未也主人責負不已因賦此應命云

善惡人情已飽諳
岸紗宴坐看晴嵐
折腰不是淵明嬾
作吏元非叔夜堪
老去一觴猶有味
病來萬事更何貪
從頭惡讀行年記
慚媿春風四十三

紅梅

誰點冰梢絳雪團
黃昏和月倚闌干
羞隨桃李爭春意
要伴松筠傲歲寒
冷豔只宜閒處著
淺妝難入俗人看
天心固惜和羹便
空抱枝頭一點酸

送仲堅漢臣二子過南澗歸賦是詩

欽定四庫全書

九
卷二

二

蟻蟻微生脫怒濤
一節容膝儘逍遙
官情更比詩情薄
日力聊憑酒力消
心類候蟲寒更切
鬢隨霜葉病先凋
兒童失笑翁慵甚
送客今朝却過橋

冬夜無寐書以自適

四壁摧頽手重泥
一枝隨意即成棲

一作足

歸來已化千

年鶴老去慵聽半
夜雞世事榮枯都
是幻物情長短不
須齊寸心耿耿何
人會隱几西

一作寒

窗月色

一作片月低時

河汾諸老詩
集作段克己

用韻答封張二子

心如墮絮已霑泥
身似鷺禽未得棲
壺缺何煩歌老驥
冠成不復帶雄雞
黃公遁跡終辭漢
范蠡逃名徑入齊
回首平生事堪笑
少年豪氣北山低

和荅丹山夢菴張丈

抖擻征衣衣上塵
歸來白髮一番新
剗將酒向愁邊酌
却恐人嫌醉裏真
世事飽諳惟欲睡
詩情漫苦只能貧
歲寒松柏東風外
付與千林自在春

欽定四庫全書

九
卷二

二

中秋之夕封生仲堅衛生行之攜酒與詩見過各
依韻以荅二首

萬籟聲沈暮靄收
長河瀉浪洗清秋
遙天千里澹如水
明月一輪光滿樓
隨意傾銀成

一作謀

勝賞誰家橫玉調

新愁可憐白首蟾宮客
羞對嫦娥說舊遊

夜涼河漢靜無聲
澄澈天開萬里晴
蟾吐寒光呈皎潔
桂排疎影甚

一作極

分明良宵方喜故人共
醉語那知鄰

舍驚一片詩魂招不得
九霄直與月俱清

以上二首河汾諸老詩集

俱作段
虎已

翌日二子見和復用韻以答

短髮蕭蕭散不收
老來何意更悲秋
常年有酒或無月
今夕乘情好上樓
休對嬋娟談往事
祇將笑語替清愁
冷光願照金尊裏
記得開元太白遊

午芹道中

渺渺江風吹葛衣
愛閒長與世相違
青絲步障柳千樹
碧玉屏風山四圍
入眼江花如慰意
近人沙鳥信忘機

欽定四庫全書

卷一

三

虛名到此成何事
一笑平生始覺非

元日夜與二三子小酌

一尊相對夜如何
却恨歸來白髮多
萬事到今從國著
一年好處莫蹉跎
閒收暮景供清酌
醉挽春風入浩歌
多謝東君不嫌客
也教衰朽得陽和

幽懷用夢菴張文韻二首

百年過眼半窮愁
十日逢人九歎嗟
叔夜不堪長抱病
馮驩何苦久無家
飄零身世風頭絮
澹薄人情春後花

擬把餘生釣江海
為煩嚴子借魚槎

起來乘霽看年華
便著芒屨待鹿車
白水明邊鈴落日
碧天盡處散餘霞
決明點檢無多實
甘菊商量有數花
滿酌一杯都不記
人間萬事足安蛇

自壽

霏霏晴雪點吟鬢
颯颯秋風惡客裾
計拙每為妻子笑
病多還覺友朋疎
行年如此事無幾
破屋翛然家有餘
濁酒一杯吾自樂
人間富貴不關渠

欽定四庫全書

卷一

三

雨後漫成

羈思紛紛不易裁
晚涼扶病獨登台
翩翩幽鳥避人去
殷殷輕雷送雨來
已拚此身閒裏老
且將笑口酒邊開
安車待聘非吾事
休作姑山隱逸猜

再和

涼月娟娟玉半裁
曉風吹夢下瑤臺
窗簾鄰杵相和切
秋共羈愁一并來
到處溪山容我懶
違時顏面向誰開
少陵可笑行藏拙
獨倚危樓剛自猜

四和

林外吹煙細若裁詩情引上賦詩臺
臺從楊柳梢頭墮雨向梧桐葉上
來華髮蕭蕭秋更短衙門寂寂書
牕閒終南佳處吾將老任宦休為
捷徑猜

五和

身世浮雲不受裁羊裘重覓子陵
臺隨人明月娟娟靜吹面涼風特
特來多技漫勞寧似拙兩眉深鎖
不如開牀頭忘却糟牀酒誤作蕭
蕭夜雨猜

欽定四庫全書

凡例卷二第

二

乘興杖屨山麓值梅始華徘徊久之因折數枝置
几側燈下漫浪成語簡諸友一笑云二首

戲蝶遊蜂總未知小窗低亞兩三枝
夜闌燈下橫疎影渾似西湖月上時

幽香不許俗人知纔是東風第一枝
誤認文君新睡起讀書窗下立移時

梅花十詠

錄二

乞

漏洩春光洛水傍紫雲名字襲人香
可能惠我黃金伴休笑分司御史狂

顰

玉骨那堪一作愁瘴霧傷好將經卷伴南荒
坡仙鼻孔清如水老覺朝雲道氣長

花木十詠

錄四

荷葉露

泉客將歸返故淵西風渺渺碧波寒
主人情厚無他贈

欽定四庫全書

凡例卷二第

二

一把真珠泣翠盤

葵花日

戀戀天光下玉階明妃初出漢宮來
情知生死歸無路一點芳心誓不回

菊花霜

六宮試手學梅妝曾見飛英點額傍
香粉嚼餘濃不散唾花誤染縷金裳

芭蕉雨

憶別春容已十年回紋錦就倩誰傳都將一掬傷心淚

灑向蠻溪數幅牋

龍門八題錄三

雲中暮雨

古壘雲藏一徑微河山依舊昔人非貪微往古興亡事

不覺城頭雨濕衣

此詩河汾諸老詩集作後元已

仙掌擎月

月出山頭未數竿仙人掌上玉團團瑞光冷射三千丈

欽定四庫全書

元祐進二集卷一

絕勝碧蓮峰下看

汾水秋風

一曲劉郎發雅歌歡情未已奈悲何只今回首空陳迹

依舊秋風卷素波

蒲川八詠錄二

虞坂曉行

林外晨雞第一聲龍頭殘月伴人行未知局促鹽車下

老驥蕭蕭又幾鳴

首陽晴雪

薇歌一曲對西一作青

山萬古清愁一作千秋老翠壘望斷空

巖人不見光搖銀海玉峰間一作寒

和李生湛然聞杜鵑有感之作

五更枕上夢魂清初聽催歸第一聲我本無家更安往

任渠啼血不關情

張信夫夢菴

一作如夢菴

覺時常笑夢時訕夢覺其間爭一作有幾何聊爾感身大

欽定四庫全書

元祐進二集卷一

槐國間一作外看明月上南柯

送馮資深歸西山四首

人間蠻觸日干戈莫四朝三都一作龍幾何此一作歸去莫

一作不憂鉗栗聲西山雨足巖巖多

蕭蕭華髮老書生久欲歸田計未成喜聽日邊消息好

故山容得子真耕

幾一作三

年消息一作思慮漫營營重見西山眼倍青胸次無

塵元自好牀頭況有洗心經

候門稚子喜歸來暖熱那無酒一杯抖擻滿身塵土盡襟懷還對好山開

贈師崑卿

一作書師崑卿
甫中八詠圖

老大溪山入夢頻強憑圖畫寫情真歸與不及身強健
山有英靈恐笑人

題張郎中明皇小法圖二首

志在馳驅禍已胎笑顏況更為誰開貪爭飛鞚鞭驂去
不覺踰垣有鹿來

欽定四庫全書

九
詩
卷
二
集

三

天寶承平事久無弄丸驢背自馳驅不期一笑宮中戲
傳作人間小法圖

周生景純贈菊數本因拾舊事依韻答之二首

陳國君臣醉宴時可憐璧月照瓊枝薔薇露濕仙裳重
笑端君王索好詩

萬里文姬去國時秋霜也到歲寒枝歸來滿面黃塵暗
怨入西風馬上詩

題梁氏靜樂堂

以下七首從河汾
諸老詩集錄入

攘攘區中人役心名與利於身竟何有乾沒不少置叔
敬有耳孫聲聲與時異一官不肯覓閒居養高志築室
塵境中中有塵外意方其厭囂喧歸來行步壑林頭一
卷書淨洗紛華累苟能樂其樂寧復事吾事見客不吝
情有酒即成醉為問東華塵何如此窗睡清風吹我懷
萬事覺無味誰知方寸間自有清涼地

蘇氏承顏堂

登仙不羨飛雙鳧宰官不樂紆金珠行年四十著綠服

欽定四庫全書

九
詩
卷
二
集

三

悲啼故作兒聲吟丈夫豈無四方志倚闥望望心何如
家國無事壽觴舉慈顏得酒增和舒客來草具對客食
殺雞奉母其賢乎榮華富貴固所願有子能盡如君謨
至誠不動古未有悅親自得神明扶筮哉冬生孟林笋
園言日出晏泉魚古來孝感有如此令人蓋以古為模
賞聞古有色難戒愛深容色何愉愉詩成不覺涕淚俱
爾有母遺傷獨無他年誰作孝友傳請錄吾語為君書

題秋暮山行圖